

Payí Poro Tesaronaika ηweáyí nánì xámi eaṅínarìni.

Payí rìna Jisasoyá siyikí imónìgá aṅí yoí Tesaronaika ηweagááyí nánì Poro xámi eaṅínarìni. Apì Masedonia pìropenìsìyo aṅí xwé bìrìni. Poro émáyí aṅí mìnì xwíyí fá yayí winìpaxí imónìṅí pì wáí nurìmerìná aṅí apimì uráná émáyí obaxí Jisasomì dṅí nìwìkwírorì aiwì Judayí e ηweáyí árìnì wí dṅí wìkwírogíawixìni. Judayí Jisasomì dṅí mìwìkwírófáyí émáyí obaxí Poromì aríá wiarìṅagá nìwìniro nánì sipí dṅí nìwìaiwiro omì mìxí xí dowáráná Poro aṅí wí e nánì éfì nurì e dání Jisasoyá siyikí imóníá Tesaronaika ηweáyí arìge ríá imónìṅòinìrì Timotio sṅwí onìwìniauinìrì uowáríagì o sṅwí nìwìnaumo nìbìrì Poro rìxa Korinìyo nìrémorì ηweaṅáná nìwìmearì repìyí nìwìrì yarìṅí Tesaronaika ηweáyí wífápì nánì áwaní uráná Poro payí rìna eaṅìṅìṅìni (Wáí wurìmeiarìgíáwa 17:1-4).

¹ Poronì t́nì Sairaso t́nì Timotio t́nì none Jisasoyá siyikí imónìgá Tesaronaika ηweáyíné —Seyíné ápo Gorìxo t́nì Ámìná Jisasi Kiraiso t́nì nawínì ikárìṅí gááyí nérìni. Seyíné nánì payí rìna nearì mónaparìṅwìni. “Awaú wá seawianìrì seyíné nìwayìrónìro ηweapíri nánì seaiiri éisixìni.” neaimónarìni.

Tesaronaika ηweáyí xìxenì aríá wiro xídìro egíá nánìrìni.

² None íníná seyíné nánì Gorìxomì yayí nìwirane rìxìñí nurìranéná seyíné nánì enì seauriyarìñwárìní. ³ Seyíné Ámíná Jisasi Kiraisomì dìñí nìwìkwírorìñípimì dánì nuxídìróná ríwí nìrìkwínìrìñí egíápi nánì aríá mikeamopa erane omì dìñí sìxí nuyiro nánì anìñí miní egíápi nánì enì aríá mikeamopa erane o ámì weapíwìñìgìñìrì wenìñí nerì ñweaarìgíápi nánì enì aríá mikeamopa erane nerane mimáyo nìtìñìrane nánì ápo Gorìxomì nurìranéná rìxìñí seauriyarìñwárìní. ⁴ Negí nìrìxímeáyíné, Gorìxo dìñí sìxí nìseayirí fá yiyamìxìmí seaiñípi nánì none nìjía imónìñwìní. ⁵ Ayí rìpi nánì nìjía e imónìñwìní. Xwìyíá yayí neainarìñípi wá nìsearémearíná mañípa tñí xwìyíánì mìsearéwapìyìñwanìgìñì. “Xwìyíá apì nepa imónìñì.” neaipìmónaríná emìmí eñí eánìñí imónìñí bì enì kwíyípimì dánì seaíwapìyìñwanìgìñì. None seyíné tñí nìñwearanéná eñwápi —Apì seyíné arírá oseaianeyìñìrì eñwápiñì. Apì nánì seyíné nìjía imónìñò. ⁶ Seyíné none eñwápi nánì enì ikanìñí neairo Ámínáomì ikanìñí wiro egíárìní. E neróná xwìyíá yayí neainarìñípi xìxeni aríá nìwiro nìxídìróná xeanìñí ayá wí seaímeáagi aiwì yayí kwíyí sìxí seamímótpì tñí nìxída ugíárìní. ⁷ Seyíné e nìxída nuróná ámá Kiraisomì dìñí wìkwíroarìgíá Masedonia píropenìsíyo ñweagíáyo tñí Gírikì píropenìsíyo ñweagíáyo tñí ayo nìyonì sìñwepìgí wìgíárìní. Kiraisomì nuxídìróná xeanìñí seaímeáagi aiwì yayí tñí anìñí nuxídìrìñípimì dánì

sijwepigí wigíáriní. ⁸ Ayí rípi nání searariñiní. Xwiyá seyíné Ámináo nání niriiga úfápi áamá ríaiwá niremeága warígíápániñí niriiga nuríná Masedonia piropenisíyo tñní Gírikí piropenisíyo tñní apiaúminí mirinñiniginí. Aní nímíní seyíné Gorixomí dñí wíkwírófápi nání arfá wíarígíawixiní. Ríxa arfá wífá enagi nání none ámí aní bimí niremoríná seyíné nání bi tñní rípxá meniní. ⁹ Ayí rípi nániríní. Ámá níní none seyíné tñí e nání báná nineamímíníro egfápi nání repiyí iníro seyíné Goríxo, nepa ñwá dñí niyimíñí tñí imóniñomi uxídipíri nání níkinímónimáná segí ñwáfapimí ríwí umogfápi nání repiyí iníro ¹⁰ seyíné Goríxomí xewaxo —O xwáripáyo dání owiápnímeaníri sñí wimixiñoriní. Íwí ámá yarígíápi nání Goríxo wíki ríá ápiáwíñíñí níwóníri ríwéná píri umamonfápi dání éfí neamímínaríñoriní. Ayí womaní. Sa Jisasoríní. O anínamí dání weapíníe nání seyíné xwayí naníri ñweaarígíápi nání repiyí iníro yaríná wímeaaríñwá enagi nání none ámí bi tñní urípxá mimóniñwiní.

2

Poró Tesaronaika ñweáyí tñní niñwearíná enípi nániríní.

¹ Gí níríxímeáyíné, seyíné níjíáriní. None seyíné tñí e níseaiméaríná wáf yopa míseamearígíniñwaniginí. ² Síní seyíné táfamíní mísearémeapa nerí aní Píripaiyo wáf emearíná apimí dáníyí xeaníñí neaikáriro ríkikíríó neairo egfápi nání seyíné ríxa níjíáriní. E

neaikáríagíá aiwi e píní nîwiárimî seyíné tífáminî nîbiríná áamá obaxí pírípírí neaianiro yaríñagíá aí Goríxo dîñí sixí neamímófpimî dánî masísá bî mîneainí xwíyíá yayí neainaríñpî xixenî nîseara uñwanigîní. ³ Áamá xwíyíá yayí neainaríñpî dîñí oîkwírópoyínîrî nuríranéná nepa mimóníñpimî dánî wí uraríñwámanî. Nîpîkwîní mimóníñpî owikáraneyínîrî wí uraríñwámanî. Yapí owíwapíyaneyínîrî uraríñwámanî. ⁴ E mepa nerane Goríxo “Porowa mîmîwiároarígíáwaríani?” nîyaiwirî xwíyíá yayí neainaríñpî wáí uraníwá nánî dîñí neañwiráríñí enagi nánî xíó rífríxínîrî wimóníñpî tîní xixenî axípinî uraríñwárîní. Áamá wí nene nánî yayí owinípoyínîrî urarígíápa none axípi e wí murí Goríxo — Negí xwioxíyo adadí neaiaríño, ayí orínî. O none nánî yayí owinínîrî negí raríñwápi áamáyo uraríñwárîní. ⁵ Seyíné nîjfarínî. None seyíné tîñí e nîseáimearíná rîxíñí remeaní wí mîsearíñwanigîní. Rîpi nánî enî Goríxo sopíñí neapaxí imónínî. Íwí searápanírane nánî dîñí ínîmî nîkwírómáná nîremeá xwíyíá bî mîsearíñwanigîní. ⁶ None Kiraisoyá wáí wurímeiaríñwáone imóníñagwî nánî ananî oneaíipoyínîrî searípaxí imóníñagwî aí seyínéranî, áamá wíranî, seáyí e oneamearípoyínîrî wí enî meñwanigîní. ⁷ None seyíné tîní nîñwearanéná nîpenímáná awayínî nîseairane apíxí sínî niaíwí pío tîñí xegí niaíwíyo dîñí nîñwirárîrî umearíñpá axípi e seainwanigîní. ⁸ None dîñí sixí nîseayirane

nánì “Xwiyíá yayí neainarìḡí Gorìxo títámìní imónìḡíḡí áwanḡí ouraneyì.” nìneaimónìrìfáná dḡíḡí aríá nìkeamónìmáná seyíné nánì aga íkínìḡí sḡíḡí neaiarìḡagí nánì yoí mayí nìmónìḡmì seyíné títámìní emenwanìḡìní. ⁹ Gí nìrìxímeáyíné, “Omìḡí none seyíné tḡní nìḡwearanéná anìḡí miní ríá tḡḡí enwáḡí nánì sḡní dḡḡí seainarìḡìní.” nìmónarìḡìní. Xwiyíá Gorìxoyá yayí neainarìḡíḡí wáí nìsearìranéná aiwá none nanì nánì anìḡí seaikáranìḡìḡìrì árfwiyiranì, ikwáwiyiranì, ríwí nìrìkwínìmáná omìḡí wé tḡní íníná yagwárinì. ¹⁰ None Kiraisomì dḡḡí wìkwíroarìḡíáyíné tḡní nìḡwearanéná sḡyikwí mínìḡíḡíḡí erane wé rónìḡíḡíḡí erane xwiyíá mìnèaxekwímopaxí imónìḡíḡí erane enwáḡí nánì seyíné sopìḡí neapaxíyínerìḡìní. Gorìxo enì sopìḡí neapaxí imónìḡìní. ¹¹ None xanowa wìḡí nìaiwíyo píránìḡí umearìḡíápánìḡí axíḡí e seamearìḡwáḡí nánì seyíné nìḡárìḡìní. Woxìḡì woxìḡì e nìseameranéná wairìrì seairane enḡí rìrémìxí seairane dḡḡí sḡxí seamímorane enwárinì. ¹² Seyíné ámá Gorìxoyá —O ámá xíoyá xwioxíyo ḡweapírfáyo seáyì e xíto imónìḡíḡí bì ouxímeáwìḡìḡìḡìrì wéyo íá seaumìrarìḡorìḡì. Oyá ámá píránìḡí nìxídlìróná epaxíḡí seyíné apì tḡní xìxenì éfìrìxìḡìḡìrì apì apì e seainwanìḡìḡì.

¹³ Rìḡí nánì enì íníná Gorìxomì yayí wiarìḡwárinì. None nìbìrane xwiyíá Gorìxoyáḡí yanḡí seaiapáná seyíné xìxenì aríá nìneairóná xwiyíá ámáoneyá bḡnìḡí aríá mìnèainì xwiyíá nepaxìḡí imónìḡíḡíḡí aríá neaìḡíawìxìḡì. Xwiyíá apì —Apì Kiraisomì dḡḡí wìkwírogíáyíné

dĩḡ seaimoariḡpirini. Api nepa xwiya oyapi enagi nani arfa e neaigfawixini. ¹⁴ Gf nriximeayine, ama Kiraisi Jisaso tni ikarinigfa, siyiki Gorixoya Judia piropenisyo imonigfayo wimeanipa seyine eni rixa seaimeaninigini. Wigf Judayf xeaniḡ wikarigfapa seyine eni segf gwf axyf xeaniḡ seaikarigfawixini. ¹⁵ Gf Judayf wfa rokiamoagfawami npikia niwagfasana Aminana Jisasomi pikiro none eni mixf neaxfdowariro egfayftrini. Ayf ama Gorixo yayf winariḡyf rimoniḡo? Aga oweoi. Ama niyoni smf tni wiarigfayftrini. ¹⁶ None xwiya emayf arfa niwiro dñf wikwróana Gorixo yeayf uyimixemeanapi waf murimepa oepoyiniri prirprf neaianiro yarigfayftrini. E nerinipimi dani wigf fwf pakkf nera ufapi rixa yurfnowiarini. Ayinani Gorixo rixa wikf niwoniri ayo pirf umamoarini.

Poró ami siḡwf winimiri nani wimoninḡ nanirini.

¹⁷ Gf nriximeayine, none ayf yapf wi mimoninwinini. None segf tñf e dani mixf neaxfdowarana negfpi ami wi e bi onimiapi niḡweamana —Ina none sini smimanfyo siḡwf miseanipa nerane ai dñf arfa wi miseaikeamonwaniginini. Ami wi e negfpi bi onimiapi niḡweamana ami seyine tni onweaneyiniri aga ikninhf sipi nneairf e yani nani smf xeadpeninwaniginini. ¹⁸ Awaú tni Poroni tni —Nioni ayf na bini marfat. None segf tfaminini “Obaneyi.” neaimonfagi ai

Seteno pírí nearakiñ+nigini. ¹⁹ Ayí rípi nání segí t́ám+ní “Obaneyí.” neaimóniñ+nigini. Gorixo none yayí neaimonfa nání imónigfáyí, ayí seyíné menirani? Diñfí nífa neaininfa nání imónigfáyí, ayí seyíné menirani? “Ná tiyf rimeáwini?” yaiwianfáwá nání imónigfáyí, ayí seyíné menirani? Jisaso ámi báná oyá sñwá anñe dání none igigf bí mé seyíné wáf niseariranená náníñf enwápi nání ranfwarini. ²⁰ None seáyí e nimónirane diñfí nífa neaininfa, ayí seyíné enagí nání rariñini.

3

Timotio enf sixf oweámixirí uowárigfí nánirini.

¹⁻² Ayínání seyíné niseawárimí re nání nibiranená amípi seaímeáfpi nání majfá nimóga núwasána “Majfá oimónaneyí.” siní mneaimónipaxf neríná re egwfisixini. “Yawawi Timotio, negf nrixímeáo —O Gorixoyá xwiyfá Kiraiso nání yayí neainarñfpi wáf wurimeinfa nání imóniñfyf worini. O añf Atenisyf rinñf rípi mí yeawáraná ayí ananirini.” niyaiwirai segí t́ám+ní nuowárenapirainá Kiraisomí diñfí wkwfrofápi xáiwf fá xiríprí nání enf sixf seaeámixirí diñfí sixf seamímorí éwiniñgini uowárenapigwfisixini. ³ Segfyf wo aí xeanñf seaímeáf apimí dání ududf mwinípa oenirí Timotio apí e éwiniñgini uowárenapigwfisixini. E nerai aí eníná dání Gorixo “Xeanñf apí ayo xe wímeáwiniñgini.” yaiwiárñene imóniñagwi nání sewaniñfyfíné

nijjárini. ⁴ Xámi seyíné t́ni sini niṅwearingená “Ríwéná xeaniṅf níneaímeaniṅoi.” miṣearayipa reṅwanigiṅi? Api ríxa níseaímeáagi nání seyíné “Rípi apíríani?” níyaiwirow ríxa níj́fá imóniṅoi. ⁵ Ayínáni Timotiomí uowárenapiṅanigiṅi. Ríxa seyíné imónigíapi nání “Sini maj́fá oimónimini.” minimónipaxí neríná o seyíné Kiraisomí d́ṅf wíkwírogíapi sini píraníṅf ŕfá wíkwíroṅoiṅirí mí seaómíxínfá nání uowárenapiṅanigiṅi. “Ámáyo yapí wíwapiyaríṅo —O oborini. O seyíné Kiraisomí ṕni owiárípoyinirí yapí seaíwapiyíáná none aníṅf miní enwápi anipá imóninigiṅirí uowárenapiṅanigiṅi.” searariṅini.

Timotio Poromí yayf xwíyíá urémeañf nánirini.

⁶ E éagi aiwi agwi Timotio seyíné t́ámíni ṕni níseawiárími níbirí xwíyíá yayf yeainipaxípiṅi áwanf yearémeáinigiṅi. Seyíné sini Kiraisomí d́ṅf wíkwíroro xixe d́ṅf sipí iníro yaríṅagfá sṅwí seanípi nání áwanf yearémeáinigiṅi. None nání d́ṅf nímoróná wá seaunirí none seyíné nání “Sṅwí owínaneyi.” neaimónariṅípa seyíné axípi Porowamí sṅwí owínaneyinirí íkíníṅf sipí seairí yaríṅagfá sṅwí seanípi nání ení áwanf yearémeáinigiṅi. ⁷ Gí nríxímeáyíné, Timotio api áwanf yearémeáí enagi nání d́ṅf ŕfá neaxepaxí imóniṅípi t́ni xeaniṅípi t́ni api nípiṅi neaímeaaríná d́ṅf sipí míneaí d́ṅf síxí ínṅwanigiṅi. O re yearíagi nání, “Kirisomí sini píraníṅf d́ṅf wíkwíroariṅoi.” yearíagi nání d́ṅf síxí ínṅwanigiṅi. ⁸ Seyíné ení neáníro

Ámináo t́nı́ ikárını́gı́apı́ xalıwı́ íá nı́xırırónáyı́, none seáyı́ nı́kárını́rane ı́weapaxı́ enı́agı́ nánı́ seararıńını́. ⁹ Gorı́xomı́ seyı́né nánı́ yayı́ anı́ıń mı́nı́ nı́wirane aı́ yayı́ seyı́né nánı́ wı́paxı́pı́ t́nı́ xı́xenı́ mı́mónı́ıńwını́. Ayı́ pı́ nánı́nı́ marı́áı́, seyı́né nánı́ yayı́ nı́wiranéná dı́ıń nı́fá onı́mı́á neainarıńı́manı́. Ayá wı́ neainarıńı́ enı́agı́ nánı́ rarı́ıńını́. ¹⁰ Segı́ sımı́manı́ sı́ıńwı́ nı́seanı́rane Kı́raisomı́ anı́ıń pı́ránıńı́ dı́ıń wı́kwı́ropı́rı́fa nánı́ sını́ mı́mónı́gı́apı́ osearéwapı́yaneyını́rı́ anı́ıń mı́nı́ ikwáwı́yiranı́, árı́wı́yiranı́, waunı́ rı́xıńı́ urarıńwárını́.

Poro Tesaronaika ı́weáyı́ nánı́ rı́xıńı́ wurı́ıńı́ nánı́rı́nı́.

¹¹ Negı́ ápo Gorı́xo t́nı́ Áminá Jı́saso t́nı́ awaú none seyı́né t́ıńı́ e banı́wá nánı́ “Ámı́ óf neaimóısı́xını́.” nı́mónarı́nı́. ¹² None seyı́né nánı́ dı́ıń sı́pı́ nı́neairı́ arı́rá seairıńwápa seyı́né enı́ axı́pı́ xı́xe dı́ıń sı́pı́ nı́nı́ro arı́rá nı́nı́rónáranı́, wı́nı́yı́ nánı́ dı́ıń sı́pı́ nı́wı́ro arı́rá nı́wirónáranı́, ayá wı́ epı́rı́fa nánı́ “Ámináo e seaimı́xı́wını́gı́nı́.” nı́mónarı́nı́. ¹³ Áminá Jı́saso ámá xı́o xegı́ imónı́gı́áyı́ t́nı́ ámı́ nı́weapı́rıná seyı́né negı́ ápo Gorı́xo sı́ıńwı́ anı́ıne dánı́ xwı́yı́fa mı́seaxekwı́mopaxı́ imónı́ro sı́yıkwı́ mı́nı́gı́áyı́né imónı́ro epı́rı́fa nánı́ sı́kı́kı́ seomı́xı́wını́gı́nı́.

4

“Gorı́xo wı́mónarıńı́pı́nı́ éfı́rı́xını́.” urıńı́ nánı́rı́nı́.

¹ Gí níríxímeáyíné, nioní payí rína yoparípi nearíná Áminá Jisaso wáf nurímeífríxínírí nearowáríñí enagí nání ayá tñí nerí ení rírémíxí bí rípi oseaianeyí. Seyíné nemeróná Goríxo yayí winípaxípi epírífa nání searéwapíyíñwápi tñí ríxa xíxeni yaríñoí. E nero aí apimí nímúrooro ámí bí tñí oyaneyíníro éfríxíní. ² Sekaxí ríníñí Áminá Jisaso nearípeañone searéwapíyíñwápi nání seyíné níjía imóníñagía nání raríñíní. ³ Goríxo seyíné e éfríxínírí wimónaríñípi ayí rípiríní. Síyíkwí mínígíáyíné imónífríxíní. Ámá wí tñí íwí bí minípa éfríxíní. ⁴ Meánígíáyíné ámí wí tñí íwí bí míní Goríxoyá síñwíyo dání síyíkwí míníñí imóníñípi ero ámáyá síñwíyo dání weyí seamearípaxí imóníñípi ero nero xíxeni meánífríxíní. ⁵ Émáýí —Ayí ámá Goríxo nání dñí mímóarígíáyífríní. Ayí íwí inaníro nání mñí niníro símí xeadípenarígíápa mepa éfríxíní. ⁶ Segí séríxímeáníñí imónígíáyíyá apíxí tñí íwí oinaneyíníro yapí níwímearí níwero sípí míwikáripa éfríxíní. Xámí seyíné tñí níñwearanéná áwaní searírane erírí seairane enwápa xíxeni ámá íwí apí éfáyo Ámináo pífrí umamonía enagí nání seararíñíní. ⁷ Goríxo nene ámá wí tñí íwí inaníwá nání nioníyáyí imónífríxínírí wéyo ía neaumíríñímaní. Gí síyíkwí mínígíáyí imónífríxínírí wéyo ía neaumíríñífríní. ⁸ Ayínání rípi nání dñí mófríxíní. Gíyí gíyí nioní seararíñápi ríwímíní nímamorínáyí, ayí ámáyoní ríwí mumóaríñoí. Ayí Goríxomí —O nene síyíkwí

mínin̄j̄ ímónan̄i nán̄i xeḡf̄ kwíȳt̄p̄i owaín̄in̄r̄i s̄ix̄f̄ neamímoar̄in̄j̄or̄in̄i. Om̄i r̄f̄w̄f̄ umoar̄in̄j̄ōi.

⁹ Sér̄ix̄f̄meá nán̄i d̄in̄j̄f̄ s̄ip̄í n̄iseair̄i ar̄ir̄á n̄iwir̄fn̄á epax̄f̄p̄i nán̄i Gor̄ix̄o xewan̄in̄j̄o r̄ixa seaíwap̄iyin̄j̄f̄ en̄j̄aḡf̄ nán̄i none aí wí r̄f̄wam̄in̄j̄f̄ near̄i sear̄ipax̄f̄ mimón̄in̄j̄w̄in̄i. ¹⁰ Sér̄ix̄f̄meá seḡf̄ Masedonia p̄iropenis̄f̄yo am̄i ḡim̄i ηweaḡf̄áyo nán̄i r̄ixa d̄in̄j̄f̄ s̄ip̄í n̄iwiro ar̄ir̄á wiar̄in̄j̄ōi. Ḡf̄ n̄ir̄ix̄f̄meáȳfn̄é, seȳfn̄é e yar̄in̄j̄aḡf̄a aí ám̄i b̄i r̄ip̄i oépoȳin̄r̄i yar̄in̄j̄f̄ oseaim̄in̄i. Seȳfn̄é d̄in̄j̄f̄ s̄ip̄í e wiar̄iḡf̄áp̄i ám̄i xwé b̄i t̄fn̄i nimóga úf̄r̄ix̄in̄i.

¹¹ Porowa xám̄i sekax̄f̄ near̄iḡf̄ápa x̄ixen̄i p̄írán̄in̄j̄f̄ oimón̄aneȳin̄ro éf̄r̄ix̄in̄i. Awayin̄i yapen̄in̄j̄waéne oimón̄aneȳin̄r̄i ero wí yar̄iḡf̄áp̄i mar̄f̄áí, neḡf̄ yar̄in̄j̄wáp̄in̄i oainenax̄f̄daneȳin̄r̄i ero neḡf̄ om̄in̄j̄f̄ en̄i n̄ir̄f̄kwín̄imán̄á oyaneȳin̄r̄i ero éf̄r̄ix̄in̄i. ¹² E nerón̄áȳf̄, n̄ip̄r̄i nán̄iran̄i, yín̄ip̄r̄i nán̄iran̄i, d̄f̄w̄f̄ mikeamón̄ipa ero ám̄a Gor̄ix̄oyá mimón̄iḡf̄áȳf̄ re seaiaiwipax̄f̄p̄i ero, “Aȳf̄ wé rón̄in̄j̄f̄ ímón̄in̄j̄f̄p̄i yar̄in̄j̄ōi.” seaiaiwipax̄f̄p̄i ero ep̄r̄f̄á en̄j̄aḡf̄ nán̄i searar̄in̄j̄in̄i.

*“Ám̄in̄áo ám̄i weapán̄á peḡf̄áȳf̄
wiáp̄fn̄imeap̄r̄f̄ár̄in̄i.” ur̄in̄j̄f̄ nán̄ir̄in̄i.*

¹³ Ḡf̄ n̄ir̄ix̄f̄meáȳfn̄é, ám̄a re n̄iyaiwir̄i, “Ḡf̄ ám̄a p̄iȳf̄ ro Gor̄ix̄o s̄in̄j̄f̄ wim̄ixán̄á n̄iwíap̄fn̄imeanf̄ár̄in̄i.” n̄iyaiwir̄i

mikw̄f̄moar̄iḡf̄áȳf̄ iwieán̄ar̄iḡf̄ápa seȳfn̄é en̄i ax̄f̄p̄i miwieán̄ipa éf̄r̄ix̄in̄r̄i p̄éf̄áȳf̄ ímón̄ip̄r̄f̄áp̄i nán̄i xe maj̄f̄á oimón̄ipoȳin̄r̄i m̄ineaimón̄ar̄in̄i.

¹⁴ Jisaso n̄ipémán̄á ám̄i wiáp̄fn̄imeanf̄r̄in̄i. E en̄j̄f̄p̄i nán̄i nene r̄ixa “Nepar̄in̄i.” n̄iyaiwirane

dijí ikwíronwini. Ayínáni Jisaso ení apí re yaiwiaríñwápimi sopíñí woní, “Ámá Jisasomí dijí níwíkwíroríñá péfáyo Goríxo xegí tñí e nání o tñí nawíni nímeámi unfárini.” yaiwiaríñwápimi sopíñí woní. ¹⁵ Rípi ranípi, ayí Ámináo ríñípirini. O ámi báná nene sini síñí ñweañwaéne omí wímeaani nání pegíáyo xámi umeañwámani. ¹⁶ Íná añínamí dání apí bí ení tñí ríniri añíñajíyo xiráóníñí imóníñóyá maní ríniri pékákí Goríxoyá ríniri yaríñá Ámináo xewaniño añínamí dání weapínfárini. Añínamí dání weapáná ámá xíomí dijí wíkwírogíá ríxa pegíáyí xámi síñí nero wíápínimeapírfárini. ¹⁷ Ríxa níwíápínimeámáná enáná sini síñí ñweañwaéne ení Ámináo mi añí pírfíyo wímeani nání ayí tñí nawíni agwípi tñí e nání neayoaánapínfárini. ¹⁸ Ayínáni segíyí wí wigí ámá péáná xwíyíá apí nuríro míñí ikíñwí umírírixini.

5

“Ámináo bíñfáyi nání síñwí tñí ñweáwanigíni.” uríñí nánirini.

¹ Gí nírixímeáyíné, Ámináo weapínfáyi nání seyíné ríxa arfá wigíá enagi nání ríwamiñí bí nearí áwaní searípaxí mimónini. ² Rípi nání seyíné ríxa níjía imóníñagíá nání raríñini. “Ámá áríwíyimi íwí meaarígíáyí ríná bípírfíréoi?” míyaiwipa yaríñá barígíápa Ámináo ení axípi “Ríná bínírfíeníñoi?” míyaiwipa enáná bínfárini. Apí nání seyíné ríxa níjía

imóniηagí nání raríηini. ³ Ayí re raríná, “Ríxa niwayiróniri ηweaηwini. Amipí wí nání wáyí neainipaxí mimónini.” raríná sini mé rímevá inipaxí ríá tíηí wímeanfárini. Ríniηí apixíwa niaíwí xiraniróná nawínáni winariηípa axípi wímeáána apimi wí urakínipírfá menini. ⁴ Gí nrixímeáyíné, seyíné sía yiniηímiini memearigfáyíné eηagí nání Ámiáo niweapiri niseaímearfána áamá íwí xaurápiimiiri wímeáána sirí pikínarigfáyí yapi pikínipaxí mimónigfáyínerini. ⁵ Niýíneni wíá ónaríηímiini nemero ikwáwíyíná yarigfáyíné imóniηagía nání searariηini. Nene sía yiniηímiini nemerane áríwiyimi yaríηwaénemani. ⁶ Ayínáni Jisasomi diηí míwíkwírogfáyí sía o weapínfáyí nání síηwí maní maiwí sá wearigfápa mepa éwanigini. Síηwí tíni niηwearane píreáníwanigini. ⁷ Ayí rípi nání searariηini. Ámá sá wearigfáyí áríwiyimi wearigfárini. Ámá iniigí xwapí niñiro papíkí yarigfáyí áríwiyimi niñiro papíkí yarigfárini. ⁸ E nerí aí nene ikwáwíyíná emeariηwaéne imóniηagwi nání píreáníwanigini. Ámá míxí inaniro nání ikínarigfápa nene axípi Goríxomi diηí wíkwírorane diηí síxí uyirane yaríηwápi sorfá míxí nání yínarigfápániηí yínirane “Goríxo yeáyí neayimíxemeanfárini.” niyaiwirane ikwímoariηwápi aríxí míxí nání dfkínarigfápániηí dfkínirane éwanigini. ⁹ Goríxo xegí wikí ríá ápiáwíniηí wearíηípi wímeáwiniηiniiri neaiawiáriηenemani. Negí

Áminá Jisasi Kiraiso neaiiñpimi dáni yeáyf uyim+xemeá+miginiñi neaiawiár+ñenerini. ¹⁰ Nene sini ñweañána ñweapir+náraní, peñwámí eñána ñweapir+náraní, xfo tñí nawíni ñweaanfwa nání neapeiñ+nigini. ¹¹ Ayínáni xixe m+ñf ikiñwf mir+niñro s+k+kf om+xiniñro éfr+xini. “Seyfne rixa e inarigfápi sini niga úfr+xini.” searariñini.

“Apí apí éfr+xini.” nura uñpí nánirini.

¹² Gf nri+xímeáyfne, bi rípi éfr+xiniñi yariñf oseaimini. Segf arirá seaianiro nání aniñf minf yariñfáyf —Ayf Ámináooyá diñfyo dání seameñwearo searéwapiyiro epíri nání imón+gíayfrini. Ayo seyfne wéyo umepíri nání éfr+xini. ¹³ Ámá ayf sañf searapaniro yariñagfa nání diñf sixf uyiwo wé ikwianwfyo ñwiráñro éfr+xini. Sér+xímeá tñí xep+xepá mirónf nawíni nimóniro ñweáfr+xini.

¹⁴ Gf nri+xímeáyfne, bi rípi eni éfr+xiniñi yariñf oseaimini. Segf ámá ríwf síwfá yigfáyo yumixiro ayá igigf yariñfáyo diñf sixf umimoro i wegfáyo arirá wiro éfr+xini. Ámá niyoní nuriríná símeaxídí m+wí wigf diñf tñí “E oyaneyí.” niyaiwiríná e éfr+xiniñi siñwf winfr+xini. ¹⁵ Ámá sipí seaikárfáyo seyfne eni pírf numamoro sipí m+wikáripa éfr+xini. Pí pí seaikárar+ñagfá aí “Negf win+yo arige neríná nañf wiianiréwini?” niyaiwiro e wianiro nání éfr+xini. Ámá niyoní aí e wianiro nání éfr+xini. ¹⁶⁻¹⁷ Íníná diñf nífá seainfwinigini. Íníná Gor+xomí rixiñf urfr+xini. ¹⁸ Pí pí

seámeáána Gorixomi yayí wírixini. Kiraisi Jisaso tñni nawini ikárinigfáyne Gorixo e érixiniri wimónariḡagi nání rariḡini. ¹⁹ Seyíne kwíyí Gorixoyá yariniḡpimi pírípírí m+wipa nero ²⁰ apimi dání xwíyá wía rókiamoarigfápi paimímí m+wipa érixini. ²¹ E mepa nero aí wía nisearókiamorína “Xwíyá rípi Gorixo táfamini imóniḡpi rariḡini.” searányí, píraninḡ pía nimeaxídimána nanḡ imóniḡpini xaiwí ía xiriro ²² sipí imóniḡpi nipiḡni ríwí umoro érixini.

²³ Gorixo —O áamá niwayiróniro ḡeapíri nání mfkí iḡorini. “O seyíne siyikwí múninḡ nimóniga nuro yóí imónipíri nání seaimixíwiniḡini.” nimónarini. “Áminá Jisasi Kiraiso bání seyíne xwíyá seaxekwímopaxí mimónipa epíra nání Gorixo segí diḡpini marfái, warápi eni seaerfkiemeáwiniḡini.” nimónarini. ²⁴ Nioniyáyí imónírixiniri wéyo ía seaumirariḡo —O áamá wikwiárinipaxí imóniḡorini. O xixeni api api e seaiinfárinini.

²⁵ Gí níríxímeáyne, none nání eni rixinḡ neauriyírixini. ²⁶ Séríxímeá gíyí gíyo yayí niwirína yayí óí weánírixini. ²⁷ Ámináo arfá eḡe dání sekaxí rípi osearimini, “Payí rina nimearína séríxímeá niyoní ía urowiemérixini.” ²⁸ “Negí Áminá Jisasi Kiraiso wá seawianfíwiniḡini.” nimónarini.

Xwiyáá Gorixoyá Sinípírini
The New Testament in the Ankave language of Papua
New Guinea
Nupela Testamen long tokples Angave long Niugini

copyright © 1990 Wycliffe Bible Translators, Inc.

Language: Angave (Ankave)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-03

PDF generated using Haiola and XeLaTeX on 11 Nov 2022 from source files dated 9 Oct 2020

7a156761-2cde-5bbc-8428-650a73434051